

All in for Kids

Txoj Kev Pab Birth to 3 (Me Nyuam Yug Kiang txog 3 Xyoos) Tsev Neeg Tsab Ntawv Xov Xwm

All in for Kids (Tag Nrho Rau Me Nyuam) yog ib tsab ntawv xov xwm sau los faj seeb qhia rau koj thiab koj lub tsev neeg txog cov kev pab uas muaj nyob rau hauv Txoj Kev Pab Birth to 3 (Me Nyuam Yug Kiang txog 3 Xyoos). Tsab ntawv xov xwm yog sau tawm los ntawm Wisconsin Department of Health Services (Tuam Tsev Tswj Xyuas Cov Kev Kho Kab Mob Kev Nkeeg).



Tsev Neeg Ncauj Lus Tswv Yim Yog Lub Ntsiab ntawm Individualized Family Service Plan (Lub Tswv Yim Muab Kev Pab Rau Ib Tsev Neeg) **(Family Input Is Key to the Individualized Family Service Plan)**

Txoj Kev Pab Birth to 3 (Me Nyuam Yug Kiang txog 3 Xyoos) pab neeg, uas yog muaj koj lub tsev neeg, yuav ua hauj lwm ua ke los tsim muaj Individualized Family Service Plan (Lub Tswv Yim Muab Kev Pab Rau Ib Tsev Neeg) (IFSP). IFSP yog ib lub tswv yim sau teev cov kev pab kom txhawb rau tus me nyuam txoj kev loj hlob. Lub tswv yim no yog tsim tshwj xeeb kias rau tus me nyuam lub tsev neeg kom pab tau lawv cov hom phiaj tshwj xeeb.

H
Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Asmeskas Tuam Tsev Tswj Kev Qhia Ntawv), Individuals with Disabilities Education Act (Cov Tib Neeg Muaj Cov Kev Tsis Taus) (IDEA), Part C Regulations (Ntu C Cov Kev Tswj Ceev) Early Intervention Program for Infants and Toddlers with Disabilities (Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Tsis Taus).

Tam tus neeg paub txog tus me nyuam lub neej thiab cov tseem ceeb rau koj lub tsev neeg, koj yog tus khub tseem ceeb rau txhua theem hauv qhov IFSP:

- Kev tsim muaj
- Kev siv (muab coj los raus tes ua)
- Kev kho hloov

Kev tsim muaj qhov IFSP

Qhov IFSP yog tsim muaj raws li txoj kev ntsuas tus me nyuam thiab cov ncauj lus uas koj qhia.

Qhov IFSP yuav muaj cov hom phiaj rau tus me nyuam thiab koj lub tsev neeg thiab cov kev txhawb thiab kev pab uas pab neeg txiav txim pom yuav pab tau rau cov hom phiaj no. Pab neeg yuav txiav txim seb thaum twg thiab qhov twg yuav muaj cov kev pab thiab leej twg yuav yog tus muab. Kev qhia koj cov tswv yim thiab kev xav hauv lub rooj sib tham txog IFSP yuav pab tsim muaj lub tswv yim uas ua hauj lwm zoo tshaj plaws rau koj lub tsev neeg. Ua ntej lub rooj sib tham txog IFSP, nws yuav pab yog koj sau tseg koj cov hom phiaj, cov kev txhawj xeeb, thiab cov lus nug lwm cov tswv cuab hauv pawg neeg. Koj nqa tau cov teev muaj no rau hauv lub rooj sib tham kom pab koj nco qab. Tso siab lug coj cov neeg hauv tsev los sis ib tug phooj ywg nrog tuaj txhawb koj hauv lub rooj sib tham txog IFSP.

Yeej yuav theej qhov IFSP rau koj thaum twg tsim muaj tau lawm. Koj yuav siv nws kom nco qab cov ntsiab lus hauv lub tswv yim, taug qab seb ua txog txij twg, los sis muab qhia rau lwm cov neeg (xws li cov kws kho mob los sis cov neeg zov tu me nyuam).

Kev Siv qhov IFSP

Tom qab pawg neeg sau ua ke tiav qhov IFSP, nws txog caij muab los rau tes siv lawm! Txhua tus hauv pawg neeg yuav tsum tau kos npe thaum pib muab cov kev pab thiab kev txhawb. Nco ntsoov, koj thiab koj lub tsev neeg yog cov uas txiav txim seb puas ua tau raws lub hom phiaj los sis tsis tau. Cov hom phiaj yuav nyob twj ywm hauv qhov IFSP kom txog thaum twg koj hais kom tshem tau los sis hloov tau.

Kev Kho Hloov qhov IFSP

Qhov IFSP yuav hloov thaum ntev zus mus, raws cov hom phiaj thiab cov kev tu ncu ntawm tus me nyuam thiab koj lub tsev neeg. Tus thawj tswj kev pab yuav teem sij hawm rov xyuas thiab kho hloov qhov IFSP rau lub hlis twg nrog koj thiab pawg neeg, tiam sis koj tsis tag yuav tos. Yeej kho hloov tau qhov IFSP txhua lub sij hawm uas koj los sis lwm tus tswv cuab hauv pawg neeg thov txog. Yog koj xav ko muab qhov IFSP rov los xyuas los sis kho hloov, nug tus thawj tswj kev pab.

QHIA KOM SAWV DAWS PAUB

Yog koj paub ib tug me nyuam uas yuav pab tau los ntawm Txoj Kev Pab Birth to 3 (Me Nyuam Yug Kiag txog 3 Xyoos), qhia kom paub! Qhia rau lwm cov niam txiv txog txoj kev pab, muab tsab ntawv xov xwm no pub rau, los sis qhia qhov vas sab rau lawv.

KOJ PUAS PAUB?

Tus thawj tswj xyuas kev pab yog Txoj Kev Pab Birth to 3 (Me Nyuam Yug Kiag txog 3 Xyoos) ib tug tswv cuab uas yuav:

- Coj thiab rov xyuas txoj kev tsim muaj qhov IFSP.
- Pab koj txiav txim txog koj lub tsev neeg cov hom phiaj thiab cov kev xaiv cov kev txhawb thiab kev pab.
- Pab nrhiav cov chaw muab kev pab rau cov kev txhawb thiab kev pab rau koj lub tsev neeg.

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Asmeskas Tuam Tsev Tswj Kev Qhia Ntawv), Individuals with Disabilities Education Act (Cov Tib Neeg Muaj Cov Kev Tsis Taus) (IDEA), Part C Regulations (Ntu C Cov Kev Tswj Ceev) Early Intervention Program for Infants and Toddlers with Disabilities (Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Tsis Taus).

Tus thawj tswj kev pab yuav pab kom koj nkag siab txog Txoj Kev Pab Birth to 3 (Me Nyuam Yug Kiag txog 3 Xyoos). Yog koj muaj cov lus nug, tsuas nug kiag!

Txhua zauv muab kho hloov, yuav theej ib tsab IFSP rau koj zoo nkaus li thaum pib tsim muaj.

Tsev Neeg Kev Koom Tes Muaj Kev Txawv

Koj yog ib tug neeg tseem ceeb hauv pawg neeg, thiab koj txoj kev raus tes nrog qhov IFSP yuav ua rau kom nws muaj zog dua. Koj cov tswv yim thiab ncauj lus tswv yim yuav pab txhawb rau tus me nyuam txoj kev kawm thiab kev loj hlob. Ua tsaug rau koj txoj kev koom tes! ❖

Wisconsin Txoj Kev Pab Sound Beginnings (Pib Cov Suab) Yuav Pab Tau Cov Me Nyuam Tsis Hnov Lus

Ua ntej yug cov me nyuam los, lawv yeej pib kawm txog lub ntiav teb raws lawv cov kev hnov: kev hnov suab, pom kev, hnov tsw, hnov qab thiab hnov chwv. Yog tias tus me nyuam tsis hnov lus, yuav cuam tshuam rau lawv txoj kev peev xwm sib txuas lus thiab sib ntaus phooj ywg nrog lwm cov neeg. Muab kev txhawb thaum ntxov yuav pab tau.

Wisconsin Txoj Kev Pab Sound Beginnings (Pib Cov Suab) Yog Dab Tsi?

Wisconsin Txoj Kev Pab Sound Beginnings (Pib Cov Suab) (WSB) yog Wisconsin Department of Health Services (Tuam Tsev Tswj Xyuas Cov Kev Kho Kab Mob Kev Nkeeg) (DHS) ib txoj kev pab rau cov me nyuam mos thiab me nyuam yau uas tsis hnov lus.

WSB xyuas kom muaj kev ntsuam xyuas qhov ntsej hnov lus ntawm cov me nyuam yug kiag, feem ntau yog ua ntej lawv tawm hauv tuamt sev kho mob mus tsev. Yog tias tus me nyuam mos los sis me nyuam yau yeej tsis hnov lus mus li lawm, lawv yuav tsim nyog tau Txoj Kev Pab Birth to 3 (Me Nyuam Yug Kiag txog 3 Xyoos). Pawg neeg WSB yuav ua hauj lwm nrog Txoj Kev Pab Birth to 3 (Me Nyuam Yug Kiag txog 3 Xyoos) pawg neeg kom txhawb tau koj thiab tus me nyuam. Pawg neeg WSB yuav pab koj:

- Nkag siab txog tus me nyuam txoj kev hnov suab.
- Kawm cov kev txhawb rau tus me nyuam txoj kev loj hlob.
- Txhawb txoj kev sib txuas lus thiab cov kev sib raug zoo.

Yog koj txaus siab, txoj kev pab puav leej muab koj mus cuag lwm cov neeg uas tau muaj kev tsis hnov lus. Qhov no yog xws li cov neeg hluas tsis hnov lus thiab lwm cov tsev neeg uas muaj cov me nyuam tsis hnov lus.

TSIS HNOV LUS

YOG DAB TSI?

Tsis hnov lus yog thaum twg ib tug neeg tsis muaj peev xwm hnov ib kuag suab los sis tsis hnov hlo li ntawm ib sab pob ntseg los sis ob sab pob ntseg tib si. Nws puav leej yog hu ua "kev hnov txawv."

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Asmeskas Tuam Tsev Tswj Kev Qhia Ntawv), Individuals with Disabilities Education Act (Cov Tib Neeg Muaj Cov Kev Tsis Taus) (IDEA), Part C Regulations (Ntu C Cov Kev Tswj Ceev) Early Intervention Program for Infants and Toddlers with Disabilities (Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Tsis Taus).

Puas muaj tej lus nug txog Wisconsin Txoj Kev Pab Sound Beginnings (Pib Cov Suab)?

Xav paub ntxiv txog txoj kev pab WSB, mus xyuas www.dhs.wisconsin.gov/newbornscreening/hearing.htm.

Yog koj xav sib tham nrog ib tug neeg twg txog txoj kev pab WSB, thov mus sib cuag nrog cov neeg nram no:

- Muaj lus nug txog cov kev pab uas muab rau koj pawg neeg hauv Txoj Kev Pab Birth to 3 (Me Nyuam Yug Kiag txog 3 Xyoos), mus cuag Chris Kometer ntawm ckometer@cesa1.k12.wi.us los sis 262-777-1058.
- Muaj lus nug txog niam txiv pab txhawb niam txiv, mus cuag Connie Stevens ntawm cstevens4@wisc.edu los sis 608-577-3895. ❖

Kev Lom Zem Caij Ntuj No Nrog Cov Me Nyuam Mos thiab Me Nyuam Yau

Yog koj xav nrhiav cov kev ua si nrog cov me nyuam, caij ntuj no hauv Wisconsin muaj kev xaiv rau koj: Koj puas xav ua ib yam sov so sab hauv tsev? Los sis koj puas xav tawm mus nraum cov daus? Txawm qhov twg los, koj yuav ua tau cov nco txog mus ntev nrog tus me nyuam thiab qhia cov txuj ci tseem ceeb tshiab thooj txhij rau lawv. Ntawm no yog ib co tswv yim kev ua si rau sim thaum lub caij ntuj no:

- **Ua cov kauj saw ntawv suav:** Qhov no tsis yog muab eb zoo nkauj xwb—muab nws dai rau hauv koj lub tsev thiab dua tawm ib kauj saw twg mus rau qhov koom txoos txaus siab, xws li hnuab caiv, hnuab yug los sis hnuab tsev neeg mus ncig ua si:
 1. Muab daim ntawv txiav ua tej daim dav li 1 nti ntev 5 nti. Muab ib daim twg xam ua ib hnuab twg uas koj suav.
 2. Qhia tus me nyuam ua lub voj voog nrog thawj daim ntawv uas yog muab ob tog coj los sib twb ua ke thiab muab sib lo los sis sib nplaum ua ke.
 3. Kom ua tau kauj saw tom ntej muab lwm daim ntawv los ntxig rau thawj lub voj voog ntawv thiab muab lo los sis nplaum ob tog ua ke.
 4. Sib ntxiv cov kauj saw ntawv mus kom tag lub kawg uas koj xav tau ces koj yuav ua tau cov caw ntawv!
- **Hnav sov so thiab muaj kev lom zem sab nraum zoov:** Caij ntuj no hauv Wisconsin muaj ntau lub caij nyoog rau cov kev ua si tawm rooj uas txhawb rau tus me nyuam cov txuj ci siv yas cev, xws li:
 - Sib txawb pob daus.
 - Caij zawv zwg.
 - Nce ib lub roob daus.
 - Puab ntug daus thiab dhia ua ke.



CAIJ NTUJ NO KEV LOM ZEM RAU

**LUB
TSEV
NEEG**

KOOM KOM TXAIS TAU PEB COV NTAWV EMAIL

Kom tau txais ceev dua, rau npe kom tau tsab ntawv xov xwm hauv tshuab hluav taws xob thiab lwm cov ntawv email txog Birth to 3 Program (Txoj Kev Pab Rau Me Nyuam Yug Kiag txog 3 Xyoos). Mus rau www.dhs.wisconsin.gov/aboutdhs/alerts.htm, ces rub rov hauv thiab nias rau qhov chaw txuas ntawm sab laug mus rau “Birth to 3 Program Information for Families (Ncauj Lus Txog Txoj Kev Pab Me Nyuam Yug Kiag txog 3 Xyoos rau Cov Tsev Neeg)”.

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Asmeskas Tuam Tsev Tswj Kev Qhia Ntawv), Individuals with Disabilities Education Act (Cov Tib Neeg Muaj Cov Kev Tsis Taus) (IDEA), Part C Regulations (Ntu C Cov Kev Tswj Ceev) Early Intervention Program for Infants and Toddlers with Disabilities (Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Tsis Taus).

- Txua lub ntsej muag rau tus txiv daus.
- Kev sau ua ke tej yam li cov txiv thuv, txiv qhib thiab pob zeb rau hauv ib hnab los sis ib lub thoob ces muab sib cais ua pawg.
- **Hnav sov so thiab nyeem ntawv:** Kev nyeem ntawv yog ib yam tseem ceeb tshaj plaws uas koj ua tau nrog tus me nyuam. Nws yog ib txoj kev nyob ua siab tus tom qab ib hnub khwv heev. Nws puav leej txhawb rau tus me nyuam cov txuj ci hais lus thiab pab npaj lawv rau txoj kev nyeem tau ntawv lawv tus kheej ib hnub twg. Xaiv qee cov phau ntawv sau txog caij ntuj no thiab qhia tus me nyuam koom nrog thaum koj nyeem. Nug lawv seb ua li cas thaum pib, hauv nruab nrab thiab thaum kawg hauv zaj dab neeg. Thaum twg koj nyeem tag phau ntawv, sim ua txoj ua cov neeg hauv zaj dab neeg thiab ua yeeb yam li zaj dab neeg.
- **Xyeej sij hawn los sib tham pem:** Tham txog tej tshwm sim hauv koj hnub thiab yam yuav muaj rau tag kis. Nug tej lus yooj yim txog tus me nyuam hnub, xws li "Qhov twg yog qhov zoo tshaj plaws?", "Puas muaj tej yam nyuab?", los sis "Koj xav li cas?" Ua tib zoo mloog tus me nyuam hais kom lawv paub tias lawv cov kev xav thiab hnob tseem ceeb rau koj. Txawm yog tus me nyuam tseem tsis tau txawj teb tag nrho koj cov lus nug los, lawv yeej hnob thiab kawm tau cov txuj ci kev sib ncawg sib raug zoo tseem ceeb. ❖

COV TXUJ CI KEV SIB NCAWG SIB RAUG ZOO YOG DAB TSI?

Cov txuj ci kev sib ncawg sib raug zoo yuav pab tus me nyuam tswj tau lawv cov kev xav, ntaus phooj ywg nrog lwm cov neeg thiab muaj kev sib ncawg nrog cov neeg tseem ceeb hauv lawv lub neej.

Cov Chaw Muaj Kev Pab Tau rau Cov Tsev Neeg

Muaj ncauj lus qhia ntxiv txog cov IFSP:

www.pacer.org/ec/early-intervention/ifsp.asp

Cov tswv yim nyab xeeb rau kev sib sau ua ke thaum muaj tus kab mob kis thoob ntiaj teb:

www.cdc.gov/coronavirus/2019-ncov/daily-life-coping/holidays/celebrations.html

Cov tswv yim rau kev sib tham txog cov tshuaj tiv thaiv kab mob COVID-19 nrog lub tsev neeg thiab cov phooj ywg:

www.dhs.wisconsin.gov/covid-19/vaccine-talk.htm

Cov vas sab mus tshawb tau txog cov tshuaj tiv thaiv kab mob COVID-19 thiab khaub thuas flu nyob ze koj:

www.vaccines.gov/search

Cov vas sab mus tshawb tau txog cov tshuaj tiv thaiv kab mob COVID-19 nyob ze koj: 211wisconsin.communityos.org/guided_search_zip_lookup/render/ds

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Asmeskas Tuam Tsev Tswj Kev Qhia Ntawv), Individuals with Disabilities Education Act (Cov Tib Neeg Muaj Cov Kev Tsis Taus) (IDEA), Part C Regulations (Ntu C Cov Kev Tswj Ceev) Early Intervention Program for Infants and Toddlers with Disabilities (Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Tsis Taus).

Tuaj Koom Tshiab Nrog Txoj Kev Pab Birth to 3 (Me Nyuam Yug Kiag txog 3 Xyoos) Los? Xyuas cov chaw muaj kev pab tshiab no:

Phau ntawv First 1,000 Days (Thawj 1,000 Hnub) yuav nthuav qhia txoj kev:

www.dhs.wisconsin.gov/library/p-02928.htm

Phau ntawv Early Intervention (Kev Cuam Tshuam Ntxov) pab kom koj nkag siab txog kev cuam tshuam ntxov pab tau koj lub tsev neeg thiab tus me nyuam kawm thiab loj hlob ua ke li cas:

www.dhs.wisconsin.gov/library/p-03022.htm

Txoj Kev Pab Birth to 3 (Me Nyuam Yug Kiag txog 3 Xyoos) phau ntawv coj qhia Services at a Glance (Saib Ib Muag Cov Kev Pab) yuav piav qhia txog cov kev txhawb thiab kev pab uas muaj:

www.dhs.wisconsin.gov/library/p-03011.htm

Cov ntawv xov xwm thiab ncauj lus qhia rau cov tsev neeg muaj cov me nyuam tsis taus:

www.parentcenterhub.org

Cov ntawv xov xwm All in for Kids (Tag Nrho Rau Me Nyuam): Txoj Kev Pab Birth to 3 (Me Nyuam Yug Kiag txog 3 Xyoos) sau dhau los:

www.dhs.wisconsin.gov/birthto3/family/index.htm (rub mus rau tsem Publications (Cov Luam Tawm) nram qab nplooj ntawv)

NCAUJ LUS RAU KOJ

Txhua tus neeg 5 xyoos thiab loj dua yeej mus txhaj tau tshuaj tiv thaiv kab mob COVID-19 ntawm lawv tus kws kho mob, cov chaw txhaj tshuaj tiv thaiv kab mob hauv zej zog, cov tuam tsev tswj xyuas kev noj qab haus huv hauv zos thiab pawg neeg qhab, los sis cov khw muag tshuaj. Mus xyuas www.dhs.wisconsin.gov/covid-19/vaccine-get.htm kom paub.

Xav txhawb kom cov me nyuam muaj hnub nyoog 2 xyoos thiab loj dua muaj ntau txheej kev tiv thaiv ntxiv, xws li looj daim ntaub khwb ntsej muag. Kawm ntxiv ntawm DHS Chaw Muab Kev Pab txog COVID-19 rau Cov Niam Txiv thiab Cov Neeg Saib Xyuas qhov vas sab: www.dhs.wisconsin.gov/covid-19/parents.htm.

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Asmeskas Tuam Tsev Tswj Kev Qhia Ntawv), Individuals with Disabilities Education Act (Cov Tib Neeg Muaj Cov Kev Tsis Taus) (IDEA), Part C Regulations (Ntu C Cov Kev Tswj Ceev) Early Intervention Program for Infants and Toddlers with Disabilities (Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Tsis Taus).

All in for Kids (Tag Nrho Rau Me Nyuam) yog ib tsab ntawv xov xwm sau tawm los ntawm Wisconsin Department of Health Services (Tuam Tsev Tswj Xyuas Cov Kev Kho Kab Mob Kev Nkeeg) cov me nyuam thiab cov tsev neeg nyob rau hauv Wisconsin Txoj Kev Pab Birth to 3 (Me Nyuam Yug Kiag txog 3 Xyoos).

Wisconsin Birth to 3 Program (Txoj Kev Pab Rau Me Nyuam Yug Kiag txog 3 Xyoos) yog ib txoj kev pab cuam tshuam ntxov rau cov me nyuam tsis nto hnub nyoog 3 xyoos uas muaj cov kev cob pob thiab cov kev tsev taus thiab lawv cov tsev neeg. Txoj kev pab sib koom tes nrog cov tsev neeg los pab tus me nyuam txoj kev loj hlob thiab txhawb rau lub tsev neeg cov kev peev xwm, kev txuj ci thiab kev rab peev xwm thaum lawv ua ub no nrog thiab tu tus me nyuam. Xav paub ntxiv, mus xyuas www.dhs.wisconsin.gov/children/index.htm.

Para leer este boletín en español, visite www.dhs.wisconsin.gov/library/akidsb-3-2021.htm.

Xav nyeem tsab ntawv xov xwm no ua Lus Hmoob, mus xyuas www.dhs.wisconsin.gov/library/akidsb-3-2021.htm.

For other languages (繁體中文, 简体中文, Deutsch, العربية, русский, 한국어, Tiếng Việt, Deutsch, ພາສາລາວ, Français, Polski, हिंदी, Shqip, Tagalog, Soomaali): 608-266-8560.

